

candi numinis adyta fuerant, fundédi sanguinis
 humani officinæ fierent : quóque die castra po-
 fuerunt Aurelij, Notho Aurelio, Sanseuero, Ia-
 cobo Chabanço ac Hira ducibus, graui eruptione
 conflixerunt : sed paucis vtrínque desideratis in
 urbem compulsi sunt. Biduo pòst ab insigni ge-
 nerosóque certamine, quatuor equitum inexpect-
 atæ celebritatis spectaculum est editum : cum
 duo corporis & animi vigore florétissimi Vasco-
 nes qui Hyræ signa sequebátur, Gasquetus & Ve-
 dillus, totidem ex hostibus prouocassent. Præfe-
 rebatur certamini titulus, si qui ex Anglis eque-
 stri gloria illustres essent, qui pro patria decurrere
 vellent, hos contra in stadio parem ad numerum
 staturos Francos, & suę atque alienæ virtutis sine
 fraude periculū esse facturos. Prodiere duo An-
 gli: locus iuxta castra sub publica fide funibus cir-
 cumseptus & præsidio vallatus certantibus con-
 cessus, cūm pari numero ex Francis & Anglis
 delectæ cohortes, pugnantes simul, & spectan-
 tes ab omni iniuria defenderent. Concursum
 est infestis hastis magno ardore, summis vtrinq;
 viribus : sed summa laus tandem Francis cessit.
 Nam cūm Gasquetus superior euasisset, Anglo
 ephippio excusso, Vedillúsq; & aduersarius mu-
 tuo ictu penetratis vsque ad interulam tunicam
 solidissimis thoracibus, cūm vi tum cōstantia pa-
 res extitissent, dirempta est pugna, ne tantæ vir-
 tutis homines, qui non hostili rabie, sed ingenuo
 quodam corporis atque animi vigore concurre-
 rant

rant